

SAKSPAPIR

Saksnr	Utval	Type	Dato
032/22	Plan- og kommunalteknisk utval	PS	20.04.2022

Saksbehandlar	ArkivsakID
Lars Johan Fjelde	22/911

Forslag til mål og retningslinjer for forvaltning av hjort 2022-2025 for Osterøy kommune

Vedlegg:

Mål og retningslinjer for Hjorteforvaltninga i Osterøy kommune_18.03.22

Rådmannen sitt framlegg til vedtak:

Plan- og kommunalteknisk utval vedtek å legge framlegg til Forvaltningsplan for hjort 2022-2025 for Osterøy kommune ut på høyring med 20.05.2022 som høyringsfrist.

Plan- og kommunalteknisk utval - 032/22

PL - behandling:

Alf Terje Mortensen, FRP, gjorde slikt framlegg:

"2.3.1 etter første punktum øverst på side 7: Legg til følgende tekst: Kommunen godkjenner all dyrka mark som teljande areal. Skoggrensa vert sett til 600 MOH, og areal under denne høgda skal gjelde som teljande areal. Vatn og tjørner over med areal over 500m2 vert trekte ut som teljande areal. Areal nytta til sentrumsføremål, opparbeidd til industri eller som openbert ikkje er ein del av arten sitt naturlege habitat vert og å trekkje ut.

Punkt 2.3.2: Må rettast. Det er no 4 soner. Ny gjeldande forskrift vert lagt rett inn i teksten.

Punkt 2,4: Siste avsnitt vert stroke. Det er ikkje noko me kan setje som kommunalt mål, då me ikkje har heimel for å påverke valdstorleik. Men, me skal tilretteleggje og oppmuntre til at vald inngår i eit bestandsplanområde.

Punkt 5.4.2 Me bed om at prosentvis fordeling vert sjekka ut og sikra slik og at det vert konsistent gjennom heile dokumentet.

Punkt 6.1: Her er står det Eid kommune i første setning. Må rettast til Osterøy.

Punkt 6.1 avsnitt 7 bokstav B: Vert endra til 75%. er då i tråd med overordna mål.

Punkt 5.4.3 Vert endra til: Fellingsprosenten bør være på 75% i alle vald.

(hugs at små vald får store utslag om dei mangler eit dyr når jakta er omme)

Punkt 6.1 avsnitt 3: I overskrifta vert "Bør" endra til KAN.

Punkt 5.4.3: Tiltak i planperioden: Tekst vert stroke og erstatta med: Justere tildeling av løyve og minsteareal om naudsynt."

Utvalsleiaren gjorde slikt framlegg: Plan- og kommunalteknisk utval vedtek å legge framlegg til

Forvaltningsplan for hjort 2022-2025 for Osterøy kommune ut på høyring med 25.05.2022 som høyringsfrist.

AVRØYSTING:

Alf Terje Mortensen, FRP, sitt framlegg vart samrøystes vedteke forutan:

- | | | |
|--|---|------------------------------------|
| - endring av punket 5.4.3 - om tiltak | - | Vedteke, 4 røyster mot 1 røyst (H) |
| - endring av punkt Punkt 6.1 avsnitt 7 bokstav B | - | Fall, 1 røyst (FRP) mot 4 røyster |
| - endring av punkt 5.4.3 - Fellingsprosent | - | Fall, 1 røyst (FRP) mot 4 røyster |
| - endring av punkt 6.1 avsnitt 3 «bør» | - | Fall, 1 røyst (FRP) mot 4 røyster |

Utvalsleiaren sitt framlegg vart samrøystes vedteke.

PL - vedtak:

Plan- og kommunalteknisk utval vedtek å legge framlegg til Forvaltningsplan for hjort 2022-2025 for Osterøy kommune ut på høyring med 25.05.2022 som høyringsfrist.

Før "Forvaltningsplan for hjort 2022-2025" vert lagt på høyring vert det gjort slike endringar:

Punkt 2.3.1 etter første punktum øverst på side 7: Legg til følgande tekst: Kommunen godkjenner all dyrka mark som teljande areal. Skoggrensa vert sett til 600 MOH, og areal under denne høgda skal gjelde som teljande areal. Vatn og tjørner over med areal over 500m² vert trekte ut som teljande areal. Areal nytta til sentrumsføremål, opparbeidd til industri eller som openbert ikkje er ein del av arten sitt naturlege habitat vert og å trekkje ut.

Punkt 2.3.2: Må rettast. Det er no 4 soner. Vedtakstekst for ny gjeldande forskrift vert lagt inn.

Punkt 2,4: Siste avsnitt vert stroke. Det er ikkje noko me kan setje som kommunalt mål, då me ikkje har heimel for å påverke valdstorleik. MEN, me skal tilretteleggje og oppmuntre til at vald inngår i eit bestandsplanområde.

Punkt 5.4.2 Me bed om at prosentvis fordeling vert sjekka ut og sikra slik og at det vert konsistent gjennom heile dokumentet.

Punkt 5.4.3 om Tiltak: Tekst vert stroke og erstatta med: Justere tildeling av løyve og minsteareal om naudsynt."

Punkt 6.1: Her er står det Eid kommune i første setning. Må rettast til Osterøy.

Saksopplysningar:

Saksopplysningar:

Bakgrunn

Gjennom viltlova og naturmangfaldlova har kommunen ansvar for verdiar og interesser knyta til jakt, friluftsliv, biologisk mangfald, trafikkproblem, regulering av storleiken på dei ulike viltbestandar og for å ivareta jaktrettshavarane sin rettssikkerheit gjennom å fastsette forskrifter og fatte enkeltvedtak jf.. «Forskrift om forvaltning av hjortevilt» (Hjorteviltforskrifta).

Dette vil danne grunnlag for utarbeiding av bestandsplanar og oppfølging av disse.

Jaktrettshavarane har derimot ansvar for den detaljerte bestandsplanlegginga med årlege avskytings

planar.

I fylgje Forskrift om forvaltning av hjortevilt § 3 skal kommunen vedta mål for utviklinga av bestanden av hjort der det ope for jakt på arten. Måla skal blant anna ta omsyn til opplysningar om beitegrunnlag, bestandsutvikling, skadar på naturmangfald, jord- og skogbruk, samt omfanget av viltulykker på veg.

Forvaltningsplan Overordna plan for utvikling av hjorteviltbestandane i kommunen. Skal innehalde offentlege og kommunale målsettingar.

Bestandsplan Jaktrettshavar (grunneigarar) sin plan for utvikling av hjorteviltbestandane i kommunen. Inneheld meir presise målsettingar for ein kortare periode enn ein forvaltningsplan. Målsettingane må samsvare med offentlege og kommunale målsettingar. Ein bestandsplan skal og skildre dei verkemidla / tiltak som blir nytta for å nå målsettingane.

Den overordna forvaltningsplan for hjort i Osterøy kommune gjaldt for perioden 2017-2021. I tråd med reglane har kommunen no utarbeidd ein oppdatert versjon for perioden 2022-2025.

Fakta

Den overordna forvaltningsplan for hjort i Osterøy kommune varte ut 2021 og det er no utarbeidd ein oppdatert utkast til plan for perioden 2022-2025. For at valda skal kunne kome med innspel til planen, må planen leggst ut på høyring før den endelege versjonen av planen vert lagt fram for utvalet tidsnok til at valda og bestandsplanområdet kan legge målsetjingane til grunn i søknadane sine. Fristen for valda og bestandsplanområda er 1. mai.

Den overordna forvaltningsplan for hjort i Osterøy kommune for perioden 2022-2025 ligg som vedlegg til saka.

Lokal hjorteforvaltning

Viltlova sin formålsparagraf (Lov om viltet § 1) set rammene for all viltforvaltning:

”Viltet og viltets leveområde skal forvaltast slik at naturens produktivitet og artsrikdom blir bevart. Innanfor denne ramme kan viltproduksjonen haustast til gode for landbruksnæring og friluftsliv.”

Forskrift om forvaltning av hjortevilt delegerer ansvar og arbeidsoppgåver til kommunane og jaktrettshavarane, slik at desse får ein meir sentral rolle i forvaltninga av hjorteviltet.

I føresegnene om godkjenning av vald og om bestandsplan, fellingsløyve og rapportering, gjev forskrifta kommunen pålegg om å gjere vedtak om målsettinga for forvaltninga av hjorteviltet.

Kommunane har dermed eit overordna ansvar for regulering av storleiken på dei ulike bestandane, og skal blant annet godkjenne bestandsplanane.

Grunneigarane/jaktrettshavarane skal ha ansvaret for den praktiske forvaltninga gjennom bestandsplanlegging og plan for årleg avskyting. Jaktrettshavarane sin forvaltningsplanar bygge på, og skal vera i samsvar med offentlege målsettingar.

Jaktrettshavarane deltaking i forvaltninga, og utarbeiding av bestandsplanar skal skje på frivillig grunnlag.

Kommunen vil i samsvar med § 18 i forskrift om hjortevilt fortsett kunne tildele fellingsløyve til vald utan godkjent bestandsplan (målretta avskyting).

Påverkingar på biologisk mangfald, beitegrunnlag og landbruksskader hjortestamma i kommunen bør ligge på eit stabilt berekraftig nivå som gir moglegheit til rekreasjon og næringsutvikling, innanfor rammene av det naturgrunnlaget gir. Det biologiske mangfaldet skal ikkje forringas på grunn av for stor bestand av hjortevilt. Videre skal bestanden av elg og hjort være berekraftig i forhold til bestandens kvalitet og i forhold til verksemd i andre samfunnssektorar. Beitetrykket skal tilpassast

slik at sommar- og vinterbeite er mest mogleg optimalt for hjortestamma. Det skal leggjast vekt på å halde beiteskadar på skog og avlingar på eit minimum, slik at det fortsett vil være mogleg å produsere skog av god kvalitet i kommunen.

I vintersesongen kan klimatiske tilhøve føre til at hjortevilt kan trekke ned i lågareliggande område. Snømengdene og næringsøk er ofte to viktige faktorar for slike trekk.

Vilt som gjer vesentleg skade på jordbruksareala kan etter godkjent søknad takast ut til og seld til inntekt for kommunens viltfond. Det blir sett visse vilkår for slik skadefelling.

Uttak av slike dyr skal likevel i hovudprinsippet skje innanfor jaktreglane, og av det/dei jaktlag/jegerar som har jaktrettane i området. I slike tilfelle belastast uttaket av den allereie tildelte kvote.

Valda bør i sin plan ta omsyn til slike områder eller individ. I slike tilfelle bør det settast inn ekstraordinære tiltak for å løyse problema.

Valda sin struktur, storleik og arrondering:

Osterøy kommune har eit total teljande areal på ca. 188 000 daa. Det inngår i dette areal i frå Vaksdal kommune (Mjelde skipsreie).

Valda i Osterøy forvaltar ikkje ei eige hjorteviltstamme. Hjort i kommunen trekker både mellom vald og nabokommunar. Dette, saman med variasjonane innan kommunen, gjer det til ein stor utfordring å forvalte og hjortestamma riktig. Ein veit frå tidlegare undersøkingar at hjorten nyttar eit stort område.

Hjorteviltforvaltninga i Osterøy kommune bør i størst mogleg grad vere basert på bestandsplanar slik regelverket legg opp til.

Grunnleigene/jaktrettshavarane bør ha som målsetting, at det i størst mogleg grad skal arbeide for opne grenser mellom jaktfeltar etter kvart som jaktlag fyller kvotane.

Bestandsplanområdet er eitt område der det skal drives lik forvaltning og det må samarbeidast tett for å oppnå målsetjingane.

Hovudformålet med bestandsplanar er å forvalte hjortestammen gjennom målretta bestandsforvaltning i eit område. Det er forvaltningsmessig naudsynt at planen, arealmessig er så stor at ein vesentleg del av bestanden til ei kvar tid finns innanfor eige område.

Optimalt bør derfor bestandsområda omfatte:

- Kalvings område
- Sommer beite område
- Parings område
- Vinterbeite område

Osterøy bestandsplanområde oppfyller langt på veg desse målsetjingane. Det vil være viktig at valda ikkje berre tek omsyn til dei tilgrensande valda, men også søker eitt samarbeid på tvers av vald grensene.

Jakttider i følge «Forskrift om jakt- og fangsttider samt sanking av egg og dun for jaktsesongene fra og med 1. april 2022 til og med 31. mars 2028».

Hjort: 01.09 - 23.12

Med bakgrunn i lang jakttid og meir effektiv jakt melder trong for samjakt seg. Bestandsplanområde og valda bør innarbeide i bestandsplanane sine korleis samjakt skal gjennomførast.

Tildeling av fellingsløyve:

Godkjente bestandsplanområder får tildelt ein samla fellingsløyve med valfrie dyr for heile planperioden. Det er opp til valdet og jaktfelte korleis den totale kvoten blir fordelt gjennom planperioden. Men det bør vurderast å halde tilbake ein del av kvoten til siste jakttida for å sørge for at størst mogleg del av kvotane blir nytta / felt.

Endringar i bestandane:

Ved vesentlege og uføresette endringar av bestanden i området i planperioden, kan kommunen vedta å trekke godkjenninga av bestandsplanen tilbake. Valdet må da enten fremme ny bestandsplan for godkjenning eller få tildelt ny fellingsløyve, jf.. Forskrift om forvaltning av hjortevilt.

Vurdering

Den overordna forvaltningsplanen for hjort i Osterøy kommune for perioden 2022-2025 byggjer på den tidlegare planen for 2017-2021, samt ei vurdering av utviklinga i hjortebestanden i kommunen som er utført av NINA, jf. NINA Rapport 2024.

Forvaltningsplanen gjev ei oversikt over hjortebestanden i Osterøy kommune. Den er bygd opp slik at kapittel 2 delen gjev ein gjennomgang av sentrale lover og reglar hjorteforvaltninga i kommunen. Kapittel 3 legg fram tilgjengeleg informasjon om hjorten i kommunen. Det er i kapittel 4 gjort ei evaluering av planperioden 2017-2021. Dei kommunale måla, samt tilhøyrande tiltak er presentert i kapittel 5.

Hovudmålet i den nye forvaltningsplanen for hjort i Osterøy kommune er å forvalte hjorten slik at det i eit langsiktig perspektiv sikrar ein livskraftig hjortestamme, samt at ein tek omsyn til naturmangfaldet og andre nærings- og samfunnsinteresser. For å nå dette målet er delmåla og tiltaka i den nye forvaltningsplanen for hjort i Osterøy kommune er justert i tråd med bakgrunn i tilrådinga i frå NINA. Statistikken i sett hjort syner at tiltaka som har vore gjort dei siste åra har hatt ein positiv utviklinga. Blant anna har fellingsprosenten auka mykje i planperioden. Indeksen for sett kolle per bukk og sett spissbukk per bukk viser ein «stabil» trend. NINA peiker på at alderen på bukkar er låg i kommunen. Det blir difor viktig å halde eit høgt uttak av kalv og ungdyr. I tråd med tilrådinga til NINA blir det foreslått eit litt redusert uttak av spissbukk. Det same gjer vektutviklinga for kalv og ungdyr. Indeksen for kalv pr. kolle viser ein positiv trend. Elles så gjeld det å halde fram med dei gode tiltaka for å stabilisere desse positive utviklingane som trenden viser. Sjølv om sett hjort statistikken peikar i rett retning, får me ein del tilbakemeldingar om store hjorteflokkar på innmark og mange påkøyrslar i kommunen. Dette vitnar om at det framleis er ein for høg tettleik av hjort i kommunen.

Difor blir det føreslått å redusere hjortestamma.

Måla i den kommunale forvaltningsplanen vil sette rammene for den målretta tildelinga av fellingsløyve til vald utan forvaltningsplanar. Samstundes vil den og vere styrande for vald med bestandsplan sidan måla ikkje kan vere i strid med dei kommunale måla.

Det er lagt opp til at planen skal rullerast kvart fjerde år. Ved å rullere planen etter fire år, vil det vere høve til å gjere ei evaluering om måla er nådd og kome med justeringar i forhold til både bestandsutvikling og måloppnåing før valda lagar nye bestandsplanar.

For å sikre at alle grupper og interessentar får høve til å kome med innspel til planen, ynskjer administrasjonen å sende denne på høyring før planen vert lagt fram for vedtak i utvalet. Utvalsleiar har godkjend at Forvaltningsplanen blir sendt ut til valda måndag 11.04.22.

Ved handsaming av i Plan- og kommunalteknisk utval bør det takast naudsynt omsyn til at valda og bestandsplanområda skal kunna innarbeida vedteken forvaltningsplan i bestandsplanane. Uansett vil valda / bestandsplanområde få knapp tid til å skrive sine nye bestandsplanar innan fristen 1. mai.

